

ARGE ALP: der trèff van “Draier van Presidenz” pet de regiarung van Trentin

È iniziato l'anno di presidenza della Provincia autonoma di Trento di Arge Alp. Si è tenuto nei giorni scorsi nel palazzo sede di Piazza Dante il primo incontro istituzionale del “Trio di Presidenza”: la vicepresidente Francesca Gerosa ha incontrato le delegazioni delle regioni che detengono attualmente la vicepresidenza di Arge Alp e cioè il Canton Ticino e il Land Vorarlberg, con l'obiettivo di condividere le tematiche al centro dell'azione politica congiunta delle regioni alpine e presentare il programma delle attività dell'anno a guida trentina.

Va de 25 van schanmikeal 2024 finz as de 24 van schanmikeal 2025 de autonome Provinz va Trea't ist president van ARGE ALP, de òrbetgamao'schöft van alpine region. De Presidenz ist en kemmen gem bail de 55^a konferenz van Arge alp, as hót se gahòltn ka de Gottardo Arena va Ambri, en Canton Ticino.

Arge Alp ist an òrbetgamao'schöft as ist kemmen gamòcht en 1972 en Mösern, en Tirol, pet en zil za òrbetn no ont understitzn de neat van lait ont van 10 lander as nemmen en toal: Taitschlont pet en Freistaat Bayern, Osterraich pet de Länder Vorarlberg, Tirol ont Salzburg, Balschlont pet de Autonome Provinzn va Poazn ont Trea't ont de Region Lombardia, de Schbaiz pet de Kantonen Graubünden, St. Gallen ont Ticino. De gamao'schöft enteressiert ungefer 26 milionen va lait.

Der tema van 2025, as bart kemmen vourstellt van Trentin, bart sai' de projekt va lem, orbet ont bèrkn van jungen as lem en pernglander. En pfinsta as de 16 van genner ka Trea't hót se gahòltn der earste altrèff van “Draier van Presidenz”: de vicepresidente Francesca Gerosa hót se troffen pet de ibergeber van regionen as laz hom de vicepresidenz van Arge Alp as sai' der Canton Ticino ont der Land Vorarlberg, pet en zil za toaln de temen as vour hót de politik



Druckont PAT

van alpine regionen ont vourstelln der programm van òrbetn bail en jor as keart en de trentinische regiarung. Abia tsòck, bail de trentinische presidenz bart s kemmen òcht gem en tema “Junga ont pèrg: projekt

va lem, va òrbet ont va bèrk. Paispil ver za hòltn hért”. Pet en doi tema bell men gilt gem en de projekt va ber as tscherlt za lem en de pèrgn platz, ont asou mòcht bider lem a löntschöft. Der Prais Arge Alp 2025aa,

as bart kemmen augatu' en langes, bart kearn en de jungen as de pèrgn, ver za gem stimm ont mòchen kennen de lait as òll to lem de doin platz. Derzua, ist u'pfònk an projekt ver za untersuachen asn bolf: abia as der tuat

se vermearern en de Alpn ont bos as der nutzt en de pèrglòntschöft ont en de boa. Ver dos kemmen auganommen ont taust de datn auslònt.

LORENZA GROFF

Summerkursn as englesch ont as taisch

De Provinz hót organisiert ver en summer 2025 summerkursn va drai bochen ver za gea' en auslònt za learnen taitsch oder englesch. Der zil van doi projekt ist za verlaichtern ont understitzn s verpersenn va sprochkompetenzn van studentn ont za heiven de zeiln van sprochzertifikatn en englesch ont taitsch. Der projekt bart gamòcht kemmen en de Lender va de

Europeische Union oder en Englont. De Amministrazion bart zoln de roas za gea' ont kemmen ver ont van auslòntszit, der learprogramm (òrbet za schual ont outdoor - pasuachen, schualòrbetn), der unterkunft en vollpension kan a familia oder en college ver de zait van meivernse, s zòmmgea' ver de roas za gea' ont kemmen va Balschlont en auslònt, der tudordinst avn plòtz, abia referentpunkt ver de studentn,

de versicherung ont de meglechkait za hòltn der test van sprochzertifikat. Der projekt, as bart kemmen gamòcht ver ungefer 600 studentn, ist gamòcht en raich van Program FSE + 2021-2027 va de Autonome Provinz va Trea't. Der programm ist zuazolt va de Europeische Union - Europeische Zòmmlemmittln plus, van Stòtt v ont va de Autonome Provinz va Trea't.

Men mu ogem de vrog ver za schraim se inn finz en eirta as de 11 van hourneng. Der projekt kimm gamòcht ver de studentn as en doi schualjor sai' inntschirm en earste fiz en viarte klasse van hoa' oder òrbetschual. De studentn as toalnemmen barn miasn af de 31 van merz 2025 zbischn de 14 ont de 20 jor hom.

LORENZA GROFF

De 25 jor van Gasetz 482/99 ont de nai vraischöft “Artikl 6”: a naia stòttnètz ver de sprochminderhaitn

In occasione del 25° anniversario della Legge 482/99, si è tenuto a Roma, presso la Sala dell'Istituto di Santa Maria in Aquiro, il convegno “L'Italia delle Minoranze Linguistiche. Idee e Strategie per il Futuro”. Levento, patrocinato dall'ANCI (Associazione Nazionale Comuni Italiani), in collaborazione con Istituto Culturale Ladino “majon di fascegn”, Terra de Punt, Associazione Innio, Cooperativa sociale Open, Parco turistico culturale Palmieri, ha rappresentato un momento di riflessione sul cammino intrapreso nella tutela delle minoranze linguistiche e delineare nuove strategie per il futuro. Durante l'evento è stata presentata ufficialmente l'Associazione “Articolo 6”, proposta dall'incontro tra diversi attori impegnati nella tutela delle minoranze linguistiche. Ispirata dall'articolo 6 della Costituzione italiana, l'associazione si propone di promuovere il dialogo e la cooperazione tra le comunità linguistiche e di sostenere la salvaguardia delle lingue minoritarie come elemento fondamentale del patrimonio culturale italiano.

En voulder mu'net ka Rom, en Sol van Institut Santa Maria in Aquiro hót se gahòltn der zòmmtrèff “L'Italia delle Minoranze Linguistiche. Idee e Strategie per il Futuro” as ist kemmen organisiert ver za denken de 25 jor va benn as ist kemmen u'ganommen s Gasetz 482 van 1999. S hom toalganommen vil derstelln van lokaln gamao'schöftn. Der trèff ist envire trong kemmen va de senatorin Elena Testor ont untestitzt van ANCI (Nazional Vraischöft van balschn gamao'n) ont ist gaben an moment ver za mòchen der punkt ont za diskutiar van ziln ont van sèll as ist kemmen gamòcht gèlgtont en Gasetz 482/99. S doi gasetz ist gaben a storische bècksl bavai de hót derkenntn zbelz sprochminderhaitn en Balschlont ont asou hót s en gem de meglechkait za gem bèrt en kultural pahalter van doin gamao'schöftn. Der be za aribarn za nemmen u' s doi gasetz ist lònk ont schbar gaben ont a grossa hilf ist gaben s u'nemmen, en sèll moment, va de Konvenzion van Europarot ver za schitzn de minderhaitn. Bail en zòmmtrèff ist kemmen vourstellt de nai Vraischöft



PAT - Dinst ver de lokaln sprochminderhaitn

“Artikl 6” as nimm der nu'm van artikl 6 va de Balschkostituzion as sok as de Republik schitzt pet sai'na gasetzn de sprochminderhaitn. De vraischöft bell stitzn de sprochminderhaitn turch an innhòltnètz as gip bèrt en a zòmmòrbet zbischn de sprochgamao'schöftn as sai' en Balschlont. “S auga” va de Vraischöft Artikl 6 derstellt an bichtegen tritt keing a greasera sensibilitet

ont zòmmòrbet ver en balsch sprochpahalter - hót unterstraicht Leo Virgili, President va de Vraischöft Innio ont vertretter van SUNS Europe - En an rom bou as de sprochminderhaitn riskiarn za kemmen vergessn, de vraischöft hót der rif za versichern s envire gea' en de sèlln as barn no kemmen.

LORENZA GROFF

S Bersntoler Kulturinstitut suach mitòrbeter ver de òrbetn van PNRR

S Bersntoler Kulturinstitut, ver de òrbetn as kemmen gatu' ver en PNRR, suacht an mitòrbeter ver za gem pakont de informazionen as de nètzer van social ont ver za mòchen de grafik ver za gem pakont s sèll as gatu' kimm. Der mitòrbeter miaset pakont gem durch de social-nètzer (Facebook, Instagram, Youtube ...) ont mòchen plaktn van sòchen as s Institut tuat. De òrbet mu gamòcht kemmen aus en sitz van Institut ont er bart tauern finz as de 30 van prochet 2026. Men verlònk s versicher za kennen de aigene sprochen ont kultur va de bersntoler minderhait B1 oder heacher, za hom schoa' gaòrbetet en as de temen va de doi òrbet, za kennen der Statut van Bersntoler Kulturinstiut ont s gasetz van srpochminderhaitn, za kennen s taitsch. De sèlln as sai' enteressiert meing ogem de vrog vour de 7 van hourneng 2025. Der modell va de vrog ont de nochrift meing pfunt kemmen as de internetsait van Bersntoler Kulturinstitut.

De Forestalsession 2025

En eirta as de 4 van hourneng um nai'na vourmitto en gamao'sol va Palai en Bersntol bart se hòltn de Forestalsession 2025 ver de gamao'n va Palai, va Vlarotz ont va Garait. De Forestalsession kimm gamòcht a vòrt as jor, en genner oder en hourneng, ont s ist an trèff bo as pakemmen se de amministratorn, de sèlln as hom de balder ont de gamao'schöft za klòffen van probleme van balder ont van holz. De sèlln as sai' enteressiert meing vrong za hòltn pa'm oder za hom pa'm za innsetzn. Òlla de lait as vrong beln s holz ver za paun oder za verprennen miasn trong de vrog en gamao'omt. Ver Palai, hót men bail finz um 12 van ma'ta as de 3 van hourneng ont ver Vlarotz finz as de 31 van doi mu'net.